

大清光緒十六年

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報照加寄費不
也除日報照常刊送外復不
惜工本從英國採辦釘書裁
紙各機器以待與 各官商
刊印書籍單件並有英國各
體活字及各式花邊等延有
西人排印工藝甚精所有中
西文字均能刊印並有石版
印字大小機器均用精工刊

申報

(號一十第牌門口虱巴舊在設開館本)

印工緻絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬屬
成文以及支離費解者概不
登報嗣後 諸翁來札尚祈
自諒更須寫實爵里而後敢
登但來稿等與不登均不能
將原稿收回也 本館謹白

庚寅七月十一日

凡報每月一元每張五仙 大英一千八百九十年八月二十六號禮拜二 凡刊印告白第一日每一字一仙第二日以下每字半仙

新到各種奇書發售 ○啟者本館近由上海姑蘇等處採買各種奇異新書及地輿圖說等項
噴發售其書或銅板木板鉛板石板均無不有且字畫詩書等項尤繁多有叻地未常經見者其有益於世
道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書
目經已另列單張附呈 鈞覽閱者 鑒焉 本館告白

延請探訪人告白 ○啟者本館欲延請探訪人一名其人須諳中英及穆拉油等語言且熟悉
本坡情形者方能合用倘 諸君欲承斯之請涉 玉至本館詢問便得特此佈 閱 本館謹啟

延請書寫 ○啟者本館欲延請書寫石版字人一名其人須精於楷行兩法方能合用倘能兼
工篆隸以及宋體各字者尤佳倘 諸君有欲就斯席者請至本館面商為望 本館謹啟

本坡街道宜加整頓說

英國政令最重整理地方即如橋道等類亦必時加修葺不惜重費務求妥善而後已是以英轄之地其道路
最為整潔令人見而欽羨此英政所以稱善也即以本坡而論初歸英轄之時滿道荆棘多有未經開闢
嗣乃再三整理逐漸可觀大有月異而歲不同之概至今仍復年勝一年以今日而較於五年前已覺不
殊霄壤經營之力已覺斂費苦心矣雖然仍有不無所憾者今特為之錄出以冀工部局之得而留意焉牛
車水一帶初本荒山近已闢為鬧市人烟稠雜繁庶非常然該處地勢甚低且渠道洩水甚為遲緩故每遇
霖雨之際而街道常遭水浸每致沒其脛股而行人來往屢揭維艱甚且道路之水亦且灌入於屋中而人
家器物多為損壞居民之苦已不能堪是則正宜為之陸續填培俾居民得而安處者然此猶其小焉者耳
其尤有害者查近來大坡之中如豆腐街松柏街長泰街等處之溝渠已有數月未經疏濬以至渠中常蓄
污水濁臭異常且渠水亦為之不流想因源頭壅塞未有疎通所致此數街者業經如是諒他處亦多不免
有此患者是則不可不亟為整頓也今試舉其害而略言之夫街道之有溝渠不過用以洩其水耳非所以
為貯水之需也今松柏街等處溝渠壅塞渠水為之不流以致積於日深渠水均皆汚濁由是蚊蚋等物遂
由此而滋生每致入夜則蚊聲如雷其勢逼人眩令不能安寢居人於此為之煩擾不安夫蚊由通人其害
向未為甚烈也乃更有可虞之處者該處街渠因失於疏通之故以致污水日積遂覺臭穢難堪偶然觸之
實令人聞然欲嘔似此臭穢蒸騰則居此者何難觸而致病况近來天時無定或則亢晴匝月或則霖雨兼
旬晴雨既復不時而寒暑亦至因而無定此實天時之不正而最易傷人是以近來大坡之症甚多亦未
嘗不由斯而至夫天氣既多不正則正宜盡人事以防閑之乃不意街道之渠亦任其淤塞日深并不為之
疎濬致令滿積污水臭穢蒸騰則居民既受不正之氣所使更為臭穢之氣所襲疾病之作實在意中夫英
國政治最屬惜民何以此事竟不為之籌及乎夫英憲於防病之法最為精細每遇時症流行如痘疹等屬
則必為之稟報其防之也甚嚴且不惟本境為然如他埠患有時疫則所有輪帆船隻由該埠至者亦必為
之禁口此其防病之嚴且密也可知又記前年本坡國家曾出禁令以禁園葬即民間義塚其有距坡稍近
者亦擬為之遷徙據其設禁之意則以為墳塋之地屍穢堪虞其屍氣常隨地脉沁入河中居民觸之即不
難因而致病推斯意也則其積密之處復何以加之乃家塲之地尚恐其穢貽害居民乃入渠中居民觸之不
穢難堪竟不設法以為之疏濬乎夫工部局有整理地方之責局中之役不乏其人即欲疏濬溝渠亦不思
不敷所用何竟任道傍之溝滿積污水久不為之疏濬夫松柏街等處係大坡通衢之地向且有然則其他
僻巷窮廡更有可想而知但工部局諸員深居簡出誠恐此等瑣事未及知之而執役之人乃遂肆其欺瞞
為懶惰偷安之計爰特為之列於報首所冀局中諸君子見之得以採及為將各處溝渠一律為之整頓
焉則地方幸甚民生幸甚

諭旨恭錄 ○六月十五日奉 上諭王文韶奏土司擅襲橫縱積年稔惡派兵剿辦首逆就步地
方安靖一摺雲南永北廳屬北勳州司章天錫兩世私襲橫縱罔忌擾害地方種種不法節經該督撫派兵
擒拿訊敢聚黨抗拒實屬逆蹟昭彰本年五月間經王文韶等派兵攻剿獲逆黨多名並逆首章天錫拿
獲正法地方一律安靖辦理尚為得法在事出力各員准其擇尤酌保毋許冒濫餘著照所議辦理至所請

即着該督迅速查明妥籌撫卹毋令失所該部知道欽此同日奉 旨當申現在請假所管關白旗漢軍都統着載澐署理欽此

英備電報 ○初七日英京發來電報云英備前者所立之約現經兩國朝廷書押而英國在尼亞沙離地方所較論之地現葡國已如所請且英國在其西境并請有地方其大皆歸英轄而三美斯河一帶葡廷不得指阻英國船隻往來等情若照此約而觀之則英國在三美斯河南北之地更爲增廣而利權自必更宏也惟約內復言英准葡廷所請亞非利加西方一帶則歸葡管理而模心密一帶葡廷亦備有地方甚大歸其轄下云云

電報譯登 ○初七日英京發來電報云英國近來載有銀斤甚多前往勿刺施國云云至於此銀寄往該國係因何用則電報尙未有明文也

英京電音

○初七日英京發來電報云英皇現已准照馬亞刺維紐立聲所請將其罪爲之赦免云云按紐立聲乃印度班兒合部之王先是其父關日聲向主是部於一千八百卅八年薨逝時紐爲幼因承受父位迨英國委荷施爲印度總督時見紐年尙幼而其部內兵權均爲強臣所掌將謀作亂故以兵取其地歸於英轄然每歲仍撥出四萬磅之資給紐以爲養贍之費時紐慕英京地大物博因至倫敦居住并爲誦習英文及長會向英廷請領其父所遺遺產一顆蓋此項於城破之日已爲英所得迨紐長遂欲將此項領回也因計該項之大有一百廿三萬力名曰高希那乃天下著名之寶計值十二萬磅有奇嗣英廷不允所求蓋此項非紐立聲父之物乃其父當日強奪阿富汗汗親王沙士憲所來故不能准其領去也然因此一事紐常挾恨於心是以前數年欲逃歸印度以謀作亂所幸事機不密爲英廷所知遂在蘇彝士河之處將其截回使不得復歸印度詎在英仍覺心懷叵測暗徵部民使之爲亂未幾復往俄京欲借俄兵力以侵印度不意所謀不遂故不敢回英居住乃出亡於法而前日適緣病重故照西教之例呈稟英廷求將前者所爲不合之罪爲之赦免而英廷惻然動念因特赦其前罪也查該廢王前者在英肄業之時已棄其教而入於西教嗣欲謀亂之際又棄西教而復其本教者此紐立聲之事略也因接來電爰誌其始末如此

本坡官報

輪船試水

○本坡華商梅君鴻軒前者會購有輪船名曰關丹欲用以由叻往來彭亨關等處各節前經列報現該船業於初六日試水計每點鐘可行十英里半甚爲靈捷查該船乃本坡禮釐亞兀禮付船廠所造計其艙位堪載一號搭客十名并可載船面搭客一百二十名其客位寬曠潔淨異常又查該船廠自六年前至今所製輪船并關丹而計則共有四十二艘之多且所造之船而皆主皆大稱所懷未嘗有稍存軟憾者然則其工作之精可見是無怪其生涯之日暢矣

分別歹良

○閱西本月二十三號憲報云檳城之英漢百姓崇文社海珠嶼之大伯公廣福堂及與奴申會均由制軍核准照常開設至於義興和勝建德海山存心等會則須即日散去不能再爲開設而同日憲報又云因欲安靖地方起見將前者所設禁止會黨之律施行而檳城之和合社傳義社亦不准其開設云

輪船相碰案訊

○本坡萬興號之昭丕耶輪船前與薩寶輪船相碰一案於初八日復經提訊惟尙未能訊定因命展限至本日再行傳訊云

爪亞歉收

○爪亞遞來信息云本年該處所出羔不歉薄異常所幸價值尙昂故業此者不至大爲虧累查三寶龍有某商會開園坵種植羔不爲業去年間該園所出之羔不計有六萬担之多今據園主云本年園中所出逆而料之應不至萬二千担之譜云以此觀之則其歉薄情形亦可見矣

泗水近聞

○刻接泗水來信有言該處土油現在價值廉薄異常查其所以然之由則因諸華商之業此生涯者同業相傾爭相降其價值以冀廣爲銷售故其價值遂至頓廉也

吧城來耗

○吧城遞來近耗云該處國家現擬定議明年承充烟碼之人周年祇准銷土一十七萬二千八百九十斤而各烟廠亦不准較於本年有增查本年該處所有烟廠共八百七十間之譜云

越事近聞

○前者駐越法員會遣有雲南輪船由紅河沂流而上以至老界一帶查探入滇之路各節均經列報茲接海防遞來信息有言當該船回越之際諸員乃大開筵席以宴舟蓋法人之意則以東京等處貧瘠異常素爲法京之人所鄙棄今得該船前往探明道路俾知入滇之路尤較緬甸爲近則將來滇越商務必致多所喜色而法京聞之自必大爲欣悅可以一洗前此之羞是皆由該司舟勇往而前所致故當其回越之際特設盛宴以賀其功惟據探路者所言當該船由紅河以至老界時適遇溪流漲甚故得一往而前毫無所礙然觀此情景諒水涸之際仍復可以駛行也至於灘深之所則用炸藥爲之轟去亦覺易於爲力若如是則再閱二三年之久而東京與滇可至如比鄰之適密也來信又云現在廣義一帶海寇甚爲猖獗較於前者其孽頓增十倍查此海寇乃越南之人料集華人爲之每夜四出劫掠爲患甚狂法員因此惱怒異常不知能設善法以弭其害否也

出賣三品



啟者本行督辦歐洲馳名三品洋酒來叻發售其酒係白頭吹式發售有年沽飲諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後諸君沽買本行白頭三品酒者請細認本號招牌之內有小紙包頭註華字新嘉坡級明碼也公司者始無佳若此字樣即屬偽冒請為細認特此佈聞 大英一千八百八十五年十二月十九號 明碼也公司謹啟

售樹鐵



嘗思營生之道所最要者則惟儲蓄其次則惟銀兩然必須有以善藏始無意外此本行鐵櫥所以為諸君之所共賞也啟者本行所賣之鐵櫥久已馳名於東方一帶而於叻坡則聲名尤著甚至本行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊等所能開計其櫥全身均用鐵製無雜成並以木料且諸櫥自前至今均為一式堅固前無有優劣之分至於各廚大小不一而價值則約一百元至四百元凡用之者可保其不礙焚燒即遇出火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘諸君有惠顧者祈即玉臨選購為盼 大英一千八百八十九年十一月廿八號 大清光緒十五年十一月初六日 明碼也洋行謹啟

鳥密酒發賣




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標鳥密酒到叻應沽此酒香爽異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酌飲者請至本行取用可也此佈 大英一千八百八十八年八月十五號 明碼也洋行啟

法國頂上蜂窠標萬蘭池酒出售



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有到份之購者祈早至惠臨沽買是幸 大英一千八百八十八年六月二十號 大清光緒十四年五月十一日 明碼也公司謹啟

蜜酒出售




啟者本行由歐洲辦到上等密酒來叻發售其酒甚佳茲將標頭印出請君光顧所為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶壟 泗里末 望加錫 檳榔嶼 日裡等處其他各埠均能運往並此佈聞 大英一千八百八十六年十一月十八號 明碼也洋行謹啟



西國頂上密酒發售

Culmbacher Bock-Bier



新到頂上呂宋煙及各式煙等發售 ○啟者本號常有新到頂上呂宋煙發售其煙乃本號親在小呂宋採辦上料精工監製載至本坡發售其煙之名號如 刺因修刺 刺千士丹西亞 刺巴刺 下路高美打民路烏里因知等名煙無不俱備又荷蘭及刺刺馬即仲光等煙亦常有便沽其荷蘭煙乃向荷京之關亞卓等家購至而刺刺馬即仲光之煙則向仲光曼多尼等諸名家購辦載來而本號并修刺刺之煙乃將西國之頂上名煙攪就如成馬愧刺勞士 刺因修刺 督兒那勿刺乙 瑞乙加波路等 各名煙均無不有此乃向美國嘉兒那地方亞蘭仁打就所選購其香清越其味醇厚令人吸之心曠神怡迥非他家所及其土耳其之紙煙乃向土耳其毛刺池公司採辦而本號并有督辦頂上之棉不勞參及馳名之直里加士打即三金塔之美國煙絲發售以備 諸君自行捲用並常有呂宋烟袋及各煙盒呂宋烟嘴等發售而烟嘴之款式甚多可備 諸客選擇前自辦各式烟紙如 威峇 高士精寶來乙 然 馬路居士 埃奧美等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至土庫花園邊第八號門牌吉靈拍賣館之隣細認門首大玻璃窗上書金色西字招牌庶不至誤特此佈聞 大英一千八百八十九年十一月廿六號 打峇基里亞幼尼巴西烟店謹白 天

再為佈告 ○啟者本號以上所出之告白有煙名曰刺因修刺者煙此乃天下馳名久為眾士商所共悉其夏灣拿裝者乃特聘德之最上名工所製其卑立巴因裝者乃為前者小呂宋國家督造呂宋煙之工頭督製其煙葉乃精選本號自種之刺伊沙未刺里加牙兒安及巫越打亞魯柔園中所產之頂上煙葉所製此煙於前者歐洲開設賽煙會之際曾經往賽已得有金寶星二顆因當時會中天下各國所製之煙無有能出其右者於此可見本號之呂宋煙久已馳名於天為下而 諸士商所樂為之購買者也是以本號另行分枝一間在新嘉坡土庫花園邊第八號門牌吉靈拍賣館之隣以便諸紳商人等時加惠顧以應所需倘蒙 諸翁賜顧尚懇移 玉前來以憑選擇本號於西國各烟無不備有且其價格格外從廉尚懇惠臨不勝厚幸特此再啟 英一千八百八十九年十一月廿六號 打峇基里亞幼尼巴西烟店謹白 天

啟者本行親由歐洲督辦頂上正裝密酒來叻發售其酒香美異常且蒸製最為得法功能清涼解毒暑除煩於南洋尤屬相宜常飲之可令人不沾暑濕蒸疫等症茲特取來發售價甚相宜諸君欲購買者請認以上所印此酒標頭慎為告擇以免為魚珠之混是所切盼特此佈聞 大清光緒十四年九月廿七日 大英一千八百八十八年十月三十一號 美憐豐洋行啟

吉屋出賃 ○啟者茲有便厝一間在老第官前門牌一十五號即協恒隆現住之厝諸君欲稅請至本號面議此佈 大清光緒十五年十二月初二日 豐興號謹啟

女醫問世 ○啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以應諸君之聘倘有賜教者祈如期惠臨為盼 大英正月十一號西國女醫威勞付謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上練之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美觀以備諸君選擇他如金表金匙相合金表練金戒指等各物甚多不能備錄而本店并能代 諸君修理鐘表以及風雨針等件甚為精細保能晷度無訛 諸君惠顧請即移玉 光臨為盼 大英一千八百八十八年八月十七號 慎申鐘表店謹啟

城護衛司署報明即經下護政訊其來叻何幹以女對稱并無他事不過欲從學書以及鼓琴度曲耳護政訊畢以其學習彈唱知係預備為娼因即函至本坡護署述其情形請為察看故該船抵叻之際即經查船人役將該女扣留送交吧護政案前訊知委係預備為娼因即將該女送交難婦所內為之教養云

驗屍稟錄 ○初九日本坡驗屍官馬君暨同陪驗諸員剖驗屍身二具其一係粵人羅福生於初八日在甘公加薄與人修葺屋宇時適赴於屋頂操作詎棟折橫崩羅因立足不牢翻身墜下至受重傷移時即斃後經官驗知羅委係跌斃並無別情其一係粵童林亞志寓於甘公麻六甲新巴虱杏林之誕降僅歷十八閱月於初八日其母適為煮茗置其於床前童子無知以手扳盞茶傾而出遂傷該童之身以致斃命後經官驗知林係被滾茶傷斃與人無尤以故統飭各屍棺殮並銷厥案

墜樓墮胎 ○聞有穆拉油婦名芝馬者寓於丹戎巴葛橫街年登廿餘而查其所天則亦未知誰氏惟夢圖已叶蚌珠業已成胎第婦素有賈遠之癖而於花會為尤甚於前數日適有巡賭公差赴於婦之鄰家拘有賭徒潘某逮索當是時緝賭聲張頗為鼎沸婦寓鄰家不過支板為屋故從壁間窺察始知為公差緝賭而婦適於此時亦與二三閩友猶猜花會當此賭具森羅竊恐為公差察覺致干不便以故急將賭具棄去各欲下樓逃避恐後爭先而婦於匆忙之際立足不牢墜於樓下壓傷厥孕而胎遂墮墮胎之害人有如此者然則婦等之嗜賭未嘗不知為犯憲章而乃三五成羣依然猶賭適公差緝賭於隣遂恐同罹法網致有風鶴之驚而成墜胎之禍若該婦者不亦誠為不自愛哉

跌傷求治 ○惹蓮葡萄牙人向充機器之匠寓於小坡素有劉伶之癖於初九日適當星期之暇有二三故友造廬過訪惹蓮樽傾北海與各友大會酒量痛浮大白不謂知已相連千杯向少惹蓮醉醉鄉深入依然酒興未闌詎意醉裡糊塗玉山將倒而惹蓮欲入內取物而立足不牢翻身跌仆以致為木壓穿其腹血流如注後為其婦察覺因呼各友趨視始為掖起而遣醫以治然幸所傷尚淺諒無性命之虞設非為酒所困何至有穴及其身然則酒之為害豈淺鮮哉殆當知所節矣

度事錄聞 ○李亞友廈中岐山堡碼仔埋人自幼替早謝棟專復殘影隻形單孤身子立矧復家無擔石四壁蕭條李遂與汗漫之遊經營海外爰至龍葛以謀生焉所幸人地相宜有謀皆遂積銀累鉢已成富有後以客路寂寥鬱鬱耐苦因聘某氏女為婦居於海外為家復生三子均屬垂髫李以坐讓多費且復身後有人疎亦差堪自慰矣惟李客外營生久遠桑梓每欲重返家山一親故園風景無奈懣懣事繁未幾願允虛存隱願何日能償李於此引為積慮者久矣時李有一堂侄名李某某者計拙營生揮金似土家徒壁立無以自存聞李以海外致富遂欲休之求活乃耐航訪李海外相逢竹林詎意李初不知其為奸宄之儔故向某詢其家中近況某遂以貧乏情形和盤上訴李不禁為歎歎者久之惟李以某初抵異域人地未宜難以圖活因撥萬金着某附航歸里家有孀嫂二口使某各給千金以為恤寡之費復給千金與其以為完備之用餘資使其代購產業以為他日嫖老之謀蓋其七齡幼子鄉旋使彼代撫成人為之教讀等因詎某自得其實到手買棹言旋而於某之所購者其言俱置置後據其所有居然大創門相恣情揮霍且於李之幼子視如犬馬一般嗣李以思歸念切亦即携有一萬三千元之資言旋乘棹抵廈中不數日而抱病遂亡後李之婦聞茲凶耗且知其盡吞其費因即致函於李之孀嫂等着其討回厥費故其孀嫂據函向某過問詎某置若罔聞其孀嫂等逼得赴控於孫道憲案前所幸孫憲廉明清決拘某逮索訊實洞悉其情勒某即將李之遺項統為交出然已化用過半矣時孫憲即將李之遺資託廈之孝廉周嘉霖周嘉樹兩員為之代理擬俟李之幼子李豐順者年若長成乃即交回執掌而於各孀婦照李之志而恤焉詎周之且仲不欲代為督握因薦生員許茂陵君為之代握厥業詎料壁返泰廷各孀婦致函於李婦詳報厥事而李婦竟以恨夫憶子抑鬱成病猝歸重泉不謂其幼子李豐順者於去月十五日復為病魔醜醜亦即同歸泉壤至是許君以豐順亦為遠逝擬將李之遺資分給於孀婦代為營業者其代覓嶼嶼為李入繼以緜而慰幽魂於地下焉許君此舉其亦善為代籌矣

煤務歸商 ○臺灣基隆煤務向由黨幼雲大令督辦除八斗舊礦外今春又於煖煖地方開一新井一切布置有條不紊方真日盛一日既於臺地防務有裨且可為位置開闢地步步近忽有廣東富商蔡鴻二君到臺具稟願為包辦繳官保允准其中章程數條並為各部立案以七月初一日交接說者為此大煤務改歸商辦利益固仍在官而臺地自清賦告竣後開員共有數百人告辭無門今煤務又已歸商將來用人一切自歸若輩主政而其中御事諸君將何駐足願異地謀食艱難有心人不禁代為焦慮矣

天龍有差 ○蘇州閩門外某老嫗少撫幼孤祇祇綴針黹積餘果寸蓄有數十金以備娶媳之資子年近弱冠在外習業老嫗因沿街窄屋恐為宵小偷竊出則將資常在囊中一日赴元妙觀進香以人多擁擠良莠不齊就觀前街熟識之某米舖夥某甲交明暫寄詎意某甲心起不長時對門有某乙窺見交銀之事向某甲三七分之老嫗歸即向某甲索回原銀某甲詐為不知對以從無此事老嫗聞言驚訝良久回憶對門某乙曾見交銀旋囑伊為見證及某乙至老嫗詢以見我寄銀否對以爾得無見鬼乎我方從閩門回來何以見汝交銀之事旁觀者不能辯其真偽實難剖折老嫗含恨而返懸梁自盡鄰人即囑其子歸家料理棺殮當夕嫗即於夢中囑其子俟三日後赴元妙觀必有天雷殛死二人其手持銀兩即我之物可以收回云云其子如期赴觀前午後黑雲密布大雨傾盆雷聲轟轟然但見二人跪在廟門前霹靂一聲遂將兩人擊

此夕頃某乙復自述吞吞三分情形非我越意所以得獲疾而仍活某甲形如焦炭其銀包尚在手中觀者如堵老嫗之子在旁潸然指銀曰此我母之物也噫人生斯世負心之事斷不可為昭昭在上者洞鑒靡遺一則罪無可這一則罰有必加輕重攸分纖毫不可近日與蘇友湯老清談其類如顯此離係最年之事而天隨有差令人毛骨悚然可為味心行事者作富頭之棒喝焉此據青黎閣主述

自來火公司告白

啟者茲本公司現在已往歐洲辦到新式火管甚多各式俱備且其價甚廉此以備助地 諸君慶賀中元之用倘 諸君有欲定用此火者可函致本局以便照為鑿立而本公司煤燈之價較諸去歲更大為減而桌面之煤氣燈本公司亦能製便至於此中詳細情形可至皇后街第四十六號門牌詢問士葛君便得倘 諸君欲用此燈者亦可至士葛君處通知惟須預早告明庶得休期不誤特此佈 聞 大英一千八百九十年八月廿六號 自來火局謹啟

另演新戲

啟者本班所演之劇業經數夜茲尙嫌其術之未能盡善致難慳觀者之心故定於初十日晚禮拜一起再行換演新劇務令觀者出神悅目愜心而後已 諸君有興請移玉 玉臨本園覽觀為盼特此佈聞 大清光緒十六年七月十一日 丹桂園大英國專士頓大法戲術班謹啟

遺失銀票

啟者茲香港上海銀行有一百元之銀票十六張業經失去茲特通知並將該票之號數列明倘 諸仕商有見此等銀票幸勿為之誤用也茲將所失之號數錄登如左 〇二四五 二四三七 二〇三六 一八〇二 三三〇四 一四四三 二五〇九 三〇〇三 三一七三 〇八四九 一一六一 二〇五六 一〇八九 二七二〇 一〇三九 〇三二八 光緒十六年七月初十日 謹啟

承產聲明

啟者先父宋順源所遺產業前者曾掛砂與叔父宋順溪代為掌理現在余已將產業領回嗣後所有先父所遺均余管理所有一切事宜均須余畫號方能為據也特此聲明 大清光緒十六年歲次庚寅七月初十日 宋基漢謹啟

工部局告白

啟者茲奉命按照本局一千八百八十七年所立第三十八條章程辦理而本局現在業已預備芳名單凡坡中人士其本身可為局員及可入票公舉局員者均為列出此單當於西十月間印就以供眾覽惟一千八百八十九年所定之二十二條章程其中有更改一千八百八十七年所立第十二條章程之處請人士向祈留心細察至於可以入票公舉局員之條現已允准合股經營之公司及與人同居係遺租稅之人或其本人他出託人代理者該代理人亦可與入票公舉局員之列至於一千八百八十九年西十月廿七號所出第四十號憲報曾載有本局所列一單內有列明叻中人士其本身可為局員及可以入票公舉局員之芳名及其居住址并註明其所以能為局員所以能公舉局員之故惟叻中諸人士之芳名或有遺漏之處可即至本局報明或函知本局以便補入亦無不可也特此佈 聞 大英一千八百九十年八月廿二號 大清光緒十六年七月初七日 工部局司理人厘兒不勝宜禮謹啟

工部局告白

啟者茲奉本局人員之命特此通知本坡住屋人等一體知悉西本年七月至十二月收取門租事務茲當按照本局第所定九十八條例章辦理所有各門租限至西八月三十一號即華七月十八日以後均須一律繳償如有不償則本局自出通知字據往為收取計每屋單費五角歸各屋償還無論每單所收之屋多寡亦須按屋繳償特此預知各宜自諒此佈 大英一千八百九十年八月十二號 大清光緒十六年六月廿七日 工部局司理人釐兒不勝宜禮謹啟

寫生妙手

啟者余童年即於丹青之學致志專心並從名師心領神會及長復多方考究彈智竭慮以要於成所以故國之人咸以名畫師相許然私心猶不敢自信也愈為苦志細心而技巧乃熟能以墨水寫真纖悉入微全神俱肖如用鉛筆亦能工妙無匹巧奪天工至以毛筆繪畫山水翎毛及草木花卉無不工緻絕倫著色神化今因挾技遨遊歐洲各國道出叻中故少駐行旌一奏其技現寓小坡福音館街門牌第八十二號壬成映相館樓上 諸貴商如欲得妙墨及神傳阿堵者請為移 玉惠顧是盼 大英一千八百九十年七月廿四號 大日本和田蓼洲啟

吉房召租

啟者本公司有舖兩間門牌第十號及十一號在甘榜麻六甲即嘉氏街出租倘 諸君合意者請到然申碼頭邊本公司內相商特此佈 聞 大英一千八百九十年六月廿七號 大清光緒十六年五月十一日 新嘉坡保險有限公司謹啟

代收家業

啟者茲因原告已故楊天泉掛沙人黃名梅控告已故楊源財掛沙人王溫娘之案經臬憲於一千八百九十年三月八號委派拍賣人軒尼晏都尼奧吉靈為代收數項人將所有楊天泉之家業及被人所欠之項等概為收付倘諸人等曾有收到已故楊天泉之產業及器物等可即交該代收數項人軒尼晏都尼奧吉靈之手其有欠到楊天泉之項者亦須即為交還該代收數項人之手以歸清楚特此佈聞 大英一千八百九十年四月二十九號 大清光緒十六年三月十一日 原告狀師直汝尼卑亞謹啟

啟者余現在已設有寫字樓在里邊街第二十號門牌倘諸君有欲酌量事務者祈移玉至本寫字樓內相商便得特此佈聞


大英一千八百九十年七月八號
華五月廿二日
施迦伊屈狀師啟

狗標密酒出售



啟者本行向代售勞未波打公司所製狗標白密酒早已遐邇馳名而東方一帶諸仕商多好飲之深蒙獎譽此緣該公司所製狗標密酒其入樽之法殊屬合宜蓋裝載密酒之法最難必須能合其法合其時其氣味始能芳烈遲速均有不可該公司深明此法故其所製之酒較於別家所售者為佳蓋此酒雖以酒名然其功可以消暑除煩飲之能令人心爽神怡並無醉後亂性之患故飲之者甚為獲益也查烏白密酒所最銷流之處係以暑地為多此酒乃歐洲容士公司所製均用上料與別家不同 諸君有欲購買者請細認勞未波打公司狗標為記庶不致誤特此佈 聞

大英一千八百九十年五月十七號
大清光緒十六年三月廿九日



牙直里洋行告白

美國紐約上等雪文發售
啟者本行有新到美國紐約地方所出之雪文一種堅實異常用以洗濯漆器等物甚為潔淨計所有漆器漆布樓枋桌椅等若經此雪文洗濯儼與新者無殊至於盤碗鼎鑊等物若有油污洗之立淨他如白鐵器物洗之亦無異於新者所有面盆浴桶及窻頭一切油膩所污之物一經洗濯無不鮮明異常但口說無憑用過方知其妙也 諸君賜顧宜細為辨認勿致有魚珠之混至於本店所沽者乃美國紐約意奴模頭公司所製較於別家尤勝故能馳名遠近也 諸君惠顧祈早 玉臨不勝厚幸
大英一千八百九十年二月十號
大清光緒十六年正月廿一日

白密酒出售



啟者本行親在歐洲督辦龜麥之白密酒及卑施拿之白密酒來助發售其龜麥之酒係伴飛燕標 卑施拿之酒係伴熊標其酒香美異常可以止渴渴腸且縱多飲亦不至有醉人之患在叻嶼甲各地以及蘇門答刺慕娘暹羅安南等處 諸君均喜飲之而叻地各酒店更多購用本行之酒可見酒質之美故能廣置銷場



而本行并有希打馬說之威實枝酒及蘇禮勿勿說之狗標加壓力酒均係西方佳釀且價廉味高與市釀大相逕廷而本行復製有紙烟及歐洲各式烟發售更有鐵廚製造甚精並無雜以木料而其鎖鑰非盜賊所能開本行之沽賣此廚已有五十年之久素蒙諸君樂為購用并有製造水塊之小機器出售四點鐘內可製頂上水塊七磅精美異常 諸君有欲賜顧者請移玉惠臨選閱為盼特此佈聞
大英一千八百八十九年十二月二號
葛士兄弟洋行告白

RIGAND'S KANAGA WATER.

列頭千那芽花露水 ○此水係以千那芽花所製其花出自日本國中香冠凡卉乃列頭君在日本探辦載回法京製成此水以故其香甚之而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗面能令人肌膚嫩滑顏色光潤且瘡癩不生本藥房製成此種花露水銷流已久遐邇傳揚不料近有德商仿照本藥房所造此水以圖射利其氣味遠遜迥隔霄壤 諸尊有購買此水者請看以下所列第一款之西字標頭本藥房所用製載此水之樽係有浮凸西字標頭下所列第二款之西字標頭係有西字標頭如標各均有親書號據始為真貨否則係為混冒尚祈慎購至於各式人等有假冒本藥房花露水或由外處運來或在本坡發售一概本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此

'KANAGA DEPOSE'

4430.

MORRHUOL.

模好呂解毒葆元藥丸 ○此丸治虛損吐血花柳傳毒咳嗽哮喘目痛重舌等症其效如神且不惟解毒並且能調和營衛葆養精神現在法英美等國醫士所用花柳解毒之藥均用此丸無不藥到病除立見春回若服此丸須仿照魚肝油之法要緩緩吞下必於用飯時吞飲一二粒切勿驟為急吞以背服法此丸係以樽裝載每樽計一百粒現託新嘉坡藥房麥加君處代售此佈
大英十一月八號

SANTAL MIDY,

DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶癰閉一切等症如症雖香痛服之立止而服藥後約歷二三日即見功效但所患過重者須每日吞食六次每次吞食二粒至痊愈後宜再吞食十日庶得消除後患永絕根株惟食此藥時宜戒色慾氣怒節勞動等事幸勿自誤致礙藥力之不神也現此藥託交新嘉坡藥房麥加君處代售此佈

FRUIT JULIEN.

浮律如虫毒藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於瀉油為日無論男女老幼均能飲食且其味有如糖菓最為適口尤為小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚癢癢等症飲之亦可涼血行滯且能令臟腑潔淨痼疾立除但飲之法宜於臨睡時吞飲一二粒至翌早飲茶一杯須臾即覺大便通利身體爽快此藥現託交新嘉坡藥房麥加君處代售此佈

紅頭仔標萬蘭池酒出售

藥酒奇功


近來之沽賣藥酒者多矣然就余之所見則最妙者尤莫如壽春園之鹿骨膠藥酒姑無論其酒味之醇酒質之厚且其所用之方藥實為補神以精避非尋常所能望其肩背且其功能補先後二天之不足無論一切內外諸症飲之均效功難盡述余親試之有驗不忘其德爰為刊報以彰明此酒之佳現此酒在叻玻璃後第十五號門牌長源號發售且取價甚廉每樽沽銀二角半每逢朔望則每樽沽銀二角諸君沽飲便知余說之非虛也
光緒十六年閏二月十三日
南京世醫徐海瑞謹識

啟者本公司所製之紅頭仔標萬蘭池酒馳名已久乃在歐洲名家所製自一千八百一十九年相傳至今已閱七十年之久而其酒收存有數十年方肯出而沽賣故其熱氣概已全消所以 諸君沽飲者均深獎譽在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜 諸翁賜顧祈細心辨認紅頭庄及以上所列各標頭并有來士古乙



拿模只公司等西字為憑庶免為珠目之混是所切禱
大英一千八百八十九年 拾二月三號
不殺呼聲即前加珍洋行謹啟 天

鐵樹出售



啟者本行所售之鐵樹在本坡馳名已久素蒙 諸君購用無不盛稱其妙計此樹之大小共有五等而價最少亦在九十五元以上而此鐵樹乃歐洲著名工師所製極為美善本坡所有西人齊智人以及作椒密生理諸華商多向本行購買以為貯銀之用因本行所沽者均用上等物料製造而成不能壯觀瞻且異常堅固無論火燒盜劫均保無虞貨美價廉莫此為甚倘 諸君有欲購此樹以收藏重寶可至本行選閱是幸特此聞佈
大英一千八百九十年正月四號
不殺呼聲公司即前
加珍目至殺公司謹啟

正金鐘標萬蘭池酒出售



啟者本公司所督辦正金花鐘標萬蘭池酒久已馳名叻地華藉諸君子均喜用之現已議定與本坡酒公司包辦以應零沽凡 諸翁有欲零購者請至酒公司沽買便得如買成起以便配往外處者仍可至本行沽買至此酒

製造之法精妙異常酒味甚清以之蒸釀者皆為上等之料保無偽充之弊此酒若在本坡沽飲甚屬合宜且價亦甚廉 諸翁沽用須為留心辨認以防魚珠之混因
新嘉坡五坡嘉新
嘉祖亦
五頂家
素工頂
呼美上
公酒居
峇發光
公司標
認明

如以上所黏各標頭無本行不殺呼聲字者即為假貨幸勿為之誤買本行有厚望焉
大英一千八百八十九年十二月三號
不殺呼聲即前加珍洋行謹啟 天